

BOSNA I HERCEGOVINA  
Federacija Bosne i Hercegovine  
Kanton Središnja Bosna/Srednjobosanski kanton

## **KANTONALNI SUD U NOVOM TRAVNIKU**

Broj: 06 0 Su 16137 22 Su  
Novi Travnik, 14.1.2022. godine

Na temelju članka 31. Zakona o sudovima u Federaciji Bosne i Hercegovine („Službene novine Federacije BiH“ br. 38/05, 22/06, 63/10, 72/10, 7/13, 52/14 i 85/21) i članka 8. točka z.) Pravilnika o unutarnjem sudskom poslovanju („Službeni glasnik BiH“, broj 66/12;40/14; 54/17;60/17 i 30/18), te Naredbi i Preporuka Kriznog stožera Federalnog ministarstva zdravstva od 12.1.2022. godine, a u svezi sa Odlukom Visokog sudbenog i tužiteljskog vijeća BiH o organizaciji rada u sudovima i tužiteljstvima u Bosni i Hercegovini broj: 08-02-2-1020-55/2020 od 30.4.2020. godine, Zaključka Vlade KSB/SBK broj: 01-04.1-2406/20-41 od 19.11.2020. godine, i Odluke o organizaciji rada Kantonalnog suda u Novom Travniku za vrijeme epidemiološke situacije u BiH izazvane korona virusom (COVID-19) broj: 06 0 Su 0116137 22 Su od 13.1.2022. godine, predsjednica Kantonalnog suda u Novom Travniku dana 14.1.2022. godine d o n o s i:

### **KRIZNI PLAN PRIPRAVNOSTI KANTONALNOG SUDA U NOVOM TRAVNIKU zbog opasnosti od širenja zarazne bolesti uzrokovane korona virusom (COVID-19)**

#### **I**

Ovim Planom definira se način rada i poduzimanje svih higijensko-epidemioloških mjera kao i preventivnih mjera, odnosno postupanje Kantonalnog suda u Novom Travniku za vrijeme trajanja naredbi i preporuka donesenih od strane kriznih štabova Federalnog ministarstva zdravstva i Ministarstva zdravstva KSB/SBK, zbog opasnosti od širenja korona virusa (COVID-19).

#### **II**

Kantonalni sud u Novom Travniku dužan je pojačati provođenje mjera od zaraznih bolesti, shodno Zakonu o zaštiti stanovništva od zaraznih bolesti Federacije BiH („Službene novine Federacije BiH“ broj: 29/05), sa posebnim akcentom na pojačanu i izvanrednu dezinfekciju poslovnih površina i sredstava za rad.

Kantonalni sud u Novom Travniku dužan je osigurati dovoljnu količinu sredstava za dezinfekciju, kao i drugu neophodnu zaštitnu opremu (maske, viziri i dr.), a sve sukladno donesenim naredbama i preporukama nadležnih organa.

#### **III**

Uposlenici su dužni da održavaju svoje radne prostorije čistima, odnosno da redovito dezinficiraju svoj radni prostor i sredstva rada.

Radni prostor je potrebno redovito provjetravati.

#### IV

Ukoliko se zatvoreni prostor koristi za održavanje ročišta, sastanaka i slično, potrebno je napraviti pauzu između ročišta u trajanju od najmanje sat vremena od prethodno održanog ročišta, kako bi se prostor mogao provjetriti, očistiti i dezinficirati.

#### V

U uredima i prostorima gdje boravi više od jednog uposlenika, obvezno je nositi zaštitne maske za lice preko usta i nosa bez izuzetaka.

#### VI

Okupljanje i zadržavanje u radnim prostorijama mimo svog radnog mjesta potrebno je svesti na minimum, isključivo radi obavljanja službenih zadataka. Preporučuje se da uposlenici međusobno komuniciraju prvenstveno putem e-maila i telefona.

#### VII

Rad sa strankama se organizira uz osiguranje protoka stranaka na način da se omogući potrebna fizička distanca od najmanje 2 metra između stranaka uz poštivanje ostalih epidemiološko-zaštitnih mjera.

Sve osobe koje ulaze u sud, uposlenici, stranke i građani dužni su u zgradi suda nositi zaštitne maske i provoditi druge higijensko-epidemiološke mjere zaštite kao što su dezinfekcija obuće na dezobarijeri, dezinfekcija ruku dezinfekcijskim sredstvom putem dozera postavljenog na ulazu u zgradu suda.

Sudska policija će vršiti kontrolu nošenja zaštitnih maski prilikom ulaska u zgradu suda u suradnji sa djelatnikom suda-portirom.

Svima koji ulaze u zgradu suda Sudska policija KSB/SBK će mjeriti temperaturu beskontaktnim toplomjerom.

Evidenciju stranaka i drugih osoba koje ulaze u sud nastaviti će se uredno voditi uz popunu anketnih obrazaca po uputi i nadzoru stručne savjetnice/psihologa suda posebice da li je istima izrečena mjera samoizolacije.

#### VIII

Svi uposlenici u Kantonalnom sudu u Novom Travniku koji imaju temperaturu, gripu ili slične simptome neće dolaziti na posao, nego će se javiti u nadležni Dom zdravlja o čemu će obavijestiti sudsku upravu.

Uposlenici koji su pozitivni na koronavirus (COVID-19) kao i članovi njihovih obitelji ili kojima je određena samoizolacija obvezni su o tome obavijestiti sudsku upravu. Kontakt osoba tehnička tajnica Lidija Kolak i stručna savjetnica-psihologinja Eda Furundžija.

#### IX

U slučaju da veći broj uposlenika bude spriječen da obavlja poslove i zadatke uslijed širenja zaraze, utvrdit će se neophodan broj uposlenika potreban za rad u sudu, koji minimalno treba da obuhvati broj uposlenika, kako slijedi:

- portirnica – 1 uposlenik
- prijemna kancelarija, spremište za spise i pismohrana – ukupno 2 uposlenika
- daktilografi – ukupno 2 uposlenika
- kazneno odjeljenje - 1 sudac,
- građansko odjeljenje - 1 sudac,
- upravno odjeljenje – 1 sudac,

- sudska uprava – ukupno 4 uposlenika
- stručni suradnik- 1 uposlenik

Sukladno epidemiološkoj situaciji, predsjednica suda može odrediti manji ili veći broj uposlenika od naprijed utvrđenog.

## X

Svi uposlenici su dužni poštovati naredbe, odluke i preporuke mjerodavnih kriznih stožera kao i odluke i naredbe predsjednice suda.

Evidenciju svih naredbi, odluka, preporuka mjerodavnih Kriznih stožera u FBiH i KSB/SBK vodit će stručna suradnica-glasnogovornica suda Azra Lendo i pravovremeno o istima obavještavati predsjednicu suda i sudsku upravu.

## XI

Krizni plan pripravnosti se može promijeniti sukladno epidemiološkoj situaciji, te naredbama i preporukama mjerodavnih Kriznih stožera u FBiH i KSB/SBK.

Preporučuje se redovno informiranje putem web stranice Federalnog ministarstva zdravstva: <https://covid19.fmoh.gov.ba/>

## XII

Krizni plan pripravnosti stupa na snagu danom donošenja i isti će biti dostavljen svim uposlenicima, objavljen na web stranici Kantonalnog suda u Novom Travniku i oglasnim pločama Suda.

**Predsjednica suda**

**Katica Jozak-Madar**